



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service
JIRIBAM / HMARKHAWLIEN
C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/189

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Inremna siem a ni tah



CCPUR: Mr Fimtuothang, Pu Lalmakthang, Thingpui-kuol khuo le Pu Lalringum Inbuon Phulpui hai le Pu Lalvulmawi, Patpuihmun Lal hai kara thubuoi um le inzawmin zanikhan (April 25, 2017) Hmar Inpui (HI) GHQ hmalaknain Hmar Secretariat, HSA Campus, CCPur hmuna inthungkhawm a ni a.

Hi huna hin hieng pawl pahni hai thu ngaitlak ve ve a ni hnungin inremna siem a nitah.

Inremna dungzui hin, tukum 11th Manipur Assembly Election le inzawma thubuoi suok a ni leiin

Election a zo ta leiin an inhekna hai popo lakir ve ve hai sien, Hmar Inpui in a rel ang hin thuhma-thuhnung um ta loin, a tu tieng tieng khawma inza a zawm seng dingin kan rel' tiin inremna thutlung a chun an ziek.

Hi inremna thutlung a hin Hmar Inpui GHQ a inthawk Francis Songate, General Secretary le Joseph Lalrothang, President hai bakah Fimtuothang, Thingpui-kuol; Lalmakthang, Thingpui-kuol; Lalringum Inbuon, Phulpui le Lalvulmawi, Chief of Patpuihmun han hming an ziek.

North Korea-in Sipai Hratna An Entir

PYONGYANG: Nau-pangin silai lem an neia an ruolhai kap tehlem an thaw a, silai an nei that leia inti huoiva an ruolhai an vau hlak ang ela a thenum rambunghai vau khawnga, inthia inhrosa zing zing, UN-in nuclear ralthuom siem ta lo dinga a hril hnung khawma pawpsa lova lan hrosa zing le insukphawk North Korea chun April 25-in North Korea People's Army indin kum 85 tlingna anniversary a lawmin a hnuoi sipaihai hratna khawvél hmu dinga pholangin a laipuihai a kap puok dur dur nawk tah.

Ni danga a thaw dan angin nuclear bomb a ensin nawleh bomb mitnei (ballistic missile) le meithallawn (missile) kap suok nawk a ta buoina tak tak chawm suok pal a tih ti in-lauin inventhawngna le titnain hi lai biel a tuom vel vawng leiin Japan, South Korea le US hai chun Tokyo ah meeting an lo nei zing a. Washington ah a



lusa po le Senator 100 ruolin Trump rawiin thil umdan an lo hril zing bawk.

Bau Sakei North Korea chun ni dang naw ang takin tuta tum chu bomb mitnei le meithallawnhai kap suok lovin a hnuoi sipaihai hratna pholangin dingin, a ram saktieng biel Wonsan ah, ram hla tak kap phak laipui (long-range artillery) hai pholangin a taka an thilthawtheina suklangnaa kap puok (live-fire-drill) a thaw lem ta tlat.

Hi live-exercise an thawna hmuna hin air-base umna le missile a lo ensinna ta a ni a. North Korea state media chun, "Kan sipaihai hratna pholangin hi US scheme po po le mi black-mail-na chu iengtikalai khawm kan hmasuon thei ti suklangna a nih. People's Army thilthawtheina le hratna chu thiema insangtak, nuclear ralthuom le submarine-launched ballistic missile hai le inthuo vawng a nih a. Iengtiklai

khawma inring saa um zing a nih" tiin Rodong Sinmun front page editorial chun a ziek.

North Korea chet dan ngun taka lo enkaizungtu South Korea military, Office of Joint Chiefs of Staff chun, "North Korea chun laipuihai kap sinna ropuitaka (large-scale firing drill) a nei a. South Korea sipaihai chun ngun taka enkaizungtin 'inring zing' a um ve zing a nih" tiin a mipuihai thlabar nawna dingin thu-

suok a siem. Yonhap News agency hril dan chun, hi artillery drill hi North Korea President Kim Jong-Un in mimal takin a enkaizungtu hril. Hi hma met hin North Korea sipai lo indintu, Kim Jong-Un pu Kim Il Sung hrietzingna dinga inkhawm nei a ni bawk.

North Korea hi 1948 Indopui pahna zoa khan Russia le US-in pahniin an the a. Inpumkhat nawkna dinga inbiakna 1948 a hlawsam china inthawk khan a bran hranin an um ta a nih. Kim Il Sung chun a hrana ro inrel a nuom leiin 1950-53 khawm khan North le South inkarah indona a tlung tah a. Kha china inthawk khan a hran ve vea amin an iner tah em em a.

An inerna leiin US le a dang danghai khawm a hnuk lut pei tah a nih. A ram a rethei em em a, ralthuom siemna dingin pawisa a hmang teu teu a, a mipuihai tamin an um a, tukhawm ram dang an suok thei nawa, media hai lem chu an hmu phak

naw nasa hle. North Korea chun a ralthuom a sukhanggang peiin nuclear a siem tum hriet a ni leiin Japan, South Korea, China, Russia le US thangin inbiakna nei a siem ta lo an tiem chun US-in economic a thangpui ding ti a nih a. A nuclear hmumpui, plutonium production unit pakhat Yongbyo a mi chu a suksiet tawk a. Amiruokchu, nuclear ralthuom a rukin a siem ti US-in a hriet leiin thanguina a suktawp a, 2009 a inthawk khan inbiakna a hlawsama ralthuom a siem sunzawm peia, vawi ngai a ensin nawk hman tah a nih.

A lan hrosa pei leiin khapdeina dingin a ruoltha China inrawl dinga naw a ni zing laiin a tangkai zuol thei tak duooin tiin tuhin Russia khawm inthangtir tum nawk a nih a. April 27 khin Japanese PM Shinzo Abe chun Russia President Putin inhmpui a ta, hma lak dan dinghai hritllang an thih.

JCB hmangin tuilam an siem



CCPUR: Ngathal Lo zau neitu mi iemanizat chun April 25, 2017 khan JCB hmangin tuilam siemthatna sin an thaw. Tuilam hi nikum khan siemthat a ni a, sienkhawm a la thatawknaw leiin tui a luong tha theinaw leia tuilam siemthatna sin hi an thaw a nih. Hi tuilam hi km.2 vela sei ding a ni a, hi tuilam hin Lo pari 40 vel tui a pek thei dinga hril a nih.

Tuilam siemna hi Ngathal Lo zau neitu, Bira-mani, Chinlam le Apabi hai hmalakna hnuoia hnuoia hi

lai biela loneitu han an sum thawkhawma sin hi an thaw a nih.

Hi lai lo zau a leilet hai hin ruotui an dawng that kum chun a tlangpuiin pari khatah Bu Pawt 120 dam an tharsuok hlak thu loneitu pakhat chun a hril a, sienkhawm hun iemanichena inthawk tui mamaw tawk an hmunaw leiin Pari khatah Pawt 80 dam an tharsuok phak chau ta hlak chu a hril. Tuilam hi Ngathal Dam a inthawkin Tuihapui vadung bul chena leilet hai tui a pek a nih.

Works Minister in Jiribam lampui a va en

IMPHAL: Works Minister Th. Biswajit Singh chun zanikhan a hmun ngeiah fein Imphal-Jiribam Road siem thatna sin thaw dan a va en. Minister hi Chief Engineer, PWD thangsain Engineers ruolin an zui. Sawrkar chun hi lampui siem thatna sin hi April thla tawpa zo ni dingin mipui kuomah an tiem a. Amiruokchu ruotui tam leiin iem a hung ang ding ti chu hril thei a ni nawh. State sawrkar chun a hun tiem sunga zo hman ngei a



tum a, thang nasa takin a lak a nih. Tuiruong(Barak) leilak 154 metres a sei le

Makru Leilak chu 122 metres a sei ning a tih tiin Th Biswajit Singh chun a hril.

BSF han raluom tam tak an dapdawk

IMPHAL: Zaini zingkar dar 4 a inthawka zing dar 6:30 inkrang sung kham 54 Battalion BSF han Thoubal District a Heirok Police Station huop sunga Salungpham le Nongpok Sekmai inkarah dappui an thaw a, lethod shells 5, 7.62mm si-

laimu 28, 38mm silaimu 5, 5.56mm silaimu 1, US siem Pistol 1, grams 350 peia rik PEK 5, Safety fuse 5 le detonators 35 an dapdawk

a, Heirok Police Station-ah an peklut. Hi lai biela hin helpawl an um i report an dawng leia dappui hi an thaw a nih.

CHANCHIN LAKTAWI

CDVDFA thusuok

CCPUR: Churachandpur District VDF Welfare Association (CDVDFA) chun, VDF personnel MGEL thuharsatna nei han April 27, 2017, 9AM-12:00 Noon sunga SP Office, Reserve Line a VDF thuoituhai inhmpuia sukfel seng dingin Jt. Secy. CDVDFA chun inhrietirna a siem. Hi hun sunga sukfel lo leia buoina nei an um chun tukhawm Association chungah nuor theinaw nihai tiin thusuok chun a hril.

Thisen an pek

CCPUR: Singngat Sub-Division sunga Suangnal khaw mi pakhat Ngaihpi (50), w/o Kapboi of Suangnal chu a sula thil in-bawm um inen dingin zanikhan District Hospital, CCPur-ah doctor panin a hung a, doctor han a thisen chaw leiin an admit a ni a. Tlawmgaiin Lngsiam @ Siam Phaipei le Siam Nau-lak han District Hospital, CCPur Blood bank fethlen-gin thisen Unit khat ve ve an pek.

General Assembly le election



CCPUR: Zani zing dar 10 a inthawk khan Citizens & Widows Welfare Association, Churachandpur District chun YPA Hall, New Lamka hmuna 7th Annual General Assembly 2016-2017 an nei a, hi huna hin T. Singngeng, DDO kholuolienin a thang a, Advisers, Upa H. Nengsong, Legal Adviser le T. Dongzakai, Mahajan hai special Guest in an thang. Rev. Dr T.K. Muana, retd. Principal in-ravinain member lo thi ta hai sunna hun hmang a ni a, Upa T. Vumzalang, in Annual report a pek a, kum 2017-19 sunga thuoitu thar ding thlangna nei a ni bawk. Election huna hin Upa T. Awnzagen Presiding Officer in a thang. Chief Guest T. Singngeng, DDO chun Assn. a Unit tina khawsak harsa zuol mi 50 hai kuomah puon inhlan a nei. Agen-

da lut hai hritllangna an nei. Kum 2017-19 sunga thuoitu dingin mi 17 thlang an ni a, chuonghai chu- T Singngeng, Upa L. Khamzachin, Evan. P. Thawnkhansuan, Elder Thuamson Hangzo, Rev Joseph D Hmar, Upa S Vung-sing, Upa T. Vumzalang, Upa Ngulphanjam, Rev Thangkhopua, Rev S Thang-glian, Rev Zelkhokai, Rev Lamkhogin Khaute, Elder T. Tuankhogin, Rev Doseh, Upa T. Thangthiang, Rev Thangkholal Thangsing le H Ngurzual hai an ni a, a hnungah OB mi 7 le Executive member dingin mi 10 ruotna nei an thih.

Senior Citizens & Widows Welfare Association, Churachandpur hi kum 2006 a indin a ni a, tuhin member mi 685 an um a, hi lai hin nuhmei 224 le pasal 441 an thang a, Unit 18 an um mek.

ASSISTANT EDITOR DING DIT A NIH

Hmasawanna Thar nitin Chanchinbu Assistant Editor ding mi pakhat dit a nih. Inhnikna nei hai chun Editor & Publisher kuomah ngaiven ding a nih.

-Editor & Publisher Hmasawanna Thar Daily

GAS NEWS

Agency : KIM JOE
Booking : 21st. Jan., 2017 to 21st. FEB., 2017
Delivery: 26-04-2017 (WED)
Time : 9AM-till stock
STOCK: 238
DBC available

Police Constable in pasal 1 a kap hlum

IMPHAL: April 24, 2017 zan dar 10 vel Khan Thoubal District a Nongpok Sekmai Police Station huop sunga Ukhong Mayai Leikai inkhelzawla thabal chongba thawna hmuna Manipur Police Constable Driver Elangbam Rajesh(30),s/o Elangbam Achou of Ukhong-sang Mamang Leikai chun Khagembam Santosh Singh(25), s/o Kh Ibohah Singh of Thoubal Athokpam Awang Leikai chu a kap hlum. Inkhelzawla hin mi thenkhatin nawkchi inkhelna(Dice games) an lo inkhel a, hi hmuna hin police team an hung tung a, chu taka inthawk chun insel buoina a tlung a, chu huna chun Rajesh hin a pistol pai phawidakin Santosh hi a kap nia hril a nih. Mi kaphlumtu



hi a pistol leh Police han an man a, Police Custody-ah sie a nih. Mipui lungsenin Rajesh hai In an raw bakah Bolero motor 1, diesel auto 4 le motor ke pahni nei suksiet a nih. Chun Imphal-Moreh Road, Thoubal Athokpam hmuna mipuiin an dang bawk. Mithruong hi lak lovin JNIMS Morgue-ah a tih. Hluma le in zawm hin JAC indin a ni a, JAC chun Rajesh hi sina

inthawk ban le thi chena hrem dinga an phut bakah hi thila inrawl ve police-hai chu hrem dingin an phut. An thil phut hi sukpuiling pek an ni hmakhat mithruong lak lo le lungawinawna nasa lem nei an tum thu an hril. Zanikhan Maharabam Pradeep SP, Thoubal chun Rajesh chu a sina inthawka a suspended. Hi thil tung hi thil vanduoithlak takel a nih tiin SP chun a hril.

DC rawiin Oil le Gas dealers han meeting an nei

CCPUR: Zani sun dar 11:00 a inthawk khan BRGF Resource Centre, DC Office, Tuibong, CCPur-ah Mr R. Sudhan, IAS, Deputy Commissioner in-ravinain CCPur khawpui sunga Thautui le Gas dealers han joint meeting an nei. Hi huna hin M/s Kim Joe Gas Service; M/s Sialgenthang & Sons; M/s Vangsei LPG Station le M/s Gramin Vitrak, Bungmul haia Managers/Proprietors hai bakah Oil Pump 4- M/s Suakhnun & Sons, M/s Tuibuang Service Station, M/s New Lamka Filling Station le M/s Niangchin Service Station haia palai hai an thang tawl a. Mr Rakesh Balwal, IPS, SP, CCPur le Michael

Mr Zosangbera, HPC (D) Chairman-in Hrilfienna A Siem

CCPUR: Hmar People's Convention (Democratic) (HPC-D) Chairman Mr Zosangbera chun April 25, 2017 khan HPC-D le Mizoram sawrkar inbiak nawkna April 28 a nei ding thuh, inremna le muongna hlun a um theina dinga ditsakna inhlanin, inbiakna fe meka thil umdanhai hrilfienn mipui khawmin inbiakna fe mek dan le a ra suok (ding), thil umdanhai lo hrethiem dingin thusuok a siemin a hril.

Principal Secretary pakhat pei sie ning a tih:CM

IMPHAL: Ka sawrkar chun sin a thaw tan ta a, lampui thenkhat le lamlien inkuna hai chu siem tha mek. Manipur a sawrkar tharin

Sadar Hills ADC Congress member 20 han BJP an zawm

IMPHAL: Zanikhan Pu Haokholal Hangshing in-ravinain Sadar Hills Autonomous District Council a Congress Members 20 han Manipur Chief Minister N. Biren Singh hrietpuiin Congress suksanin BJP an zawm. MDC hai hi

Mr Zosangbera, HPC (D) Chairman-in Hrilfienna A Siem

ment hrang hrang hai a kei khawmas a tul leiin vawi khat vawi hnia rel fel el thei a ni nawh ti ei hriet seng a tul. Rorelna khawl puiling tak inchou ei tum leiin tu bawla bawl thei thil a ni nawh. Mizorama Hmar dam khawsuok pui thei ding ro ei indung a ni leiin hun ei dit rawn met leiin dawthei taka ei ngah a ngai a nih. Inbiakna dinga hmalatu le pawl pahni aiawa dawkan kiltuhai HPC (D) aiawin ditsakna insangtak kan hlan thar" tiin a ziek a.

Mr Zosangbera, HPC (D) Chairman-in Hrilfienna A Siem

ngan tak a lo tling zo ta naw khawmin ei kawl vela 6th Scheduled hai khawmin "baksamna, inbattuona le intangna lientak" an nei thei tho lei le. 6th Scheduled chen mekhai lungawinawna" ei hmuaia inthawkin "damna thuongling a lo ni bik nawzie" ei hmu zing leiin 6th Scheduled a lo ni naw khawma lungawi le hrethiem dingin mipui an ngan bawk.

Mr Zosangbera, HPC (D) Chairman-in Hrilfienna A Siem

Sixth Scheduled zel lut an naw khawma Schedule dang dang fun khawma dan tha tak takhai lak khawma siem ding 'Sinlung Hills Council' niin, Mizoram mipuihai dam khawsuokpui thei a ni ngei a beisei thu a hrilin, ringumna le indinkahai ei kengkaw tlat chun hringna le thisen ei lo chan tahai a thlawn naw ding zie a hril a. Council indung mek hi 'Hmar hnaw beiseina le hmahlir tungding thei ding rorélna khawl' a lo ni naw chun, thangthar mithiem lem han hmadawn thar ei nei nawk pei el ding a nizie thu a hril bawk.

Pu Sozangber chun, tuta inbiakna dawkana inremna thutlung ei siem

VAWISUN THUPUI

Nisienlakhawm, "A suong taphawt chun Lalpa chu suong raw se," Mani inhriilmawi chun inpak a hlaw si naw a, Lalpan a hrilmawi chun inpak a hlaw lem hlak. - 2 Korinth 10:17-18

Editorial

Class X le XII pasi hnungah iem inchuk ding

Board of Secondary Education, Manipur hnuoia Class X le Council of Higher Secondary Education, Manipur hnuoia Class XII Examination, 2017 hai chu zo fel a ni ta a. 11th Manipur Legislative Assembly Election, 2017 lein Class X le Class XII exam hai hi tu kum chu an hnu deu a. Nisienlakhawm Board le Council chun student-hai hmakhuo ngaina lein result chu May thla sung ngeia insuo hman dingin hma a lak mek a, a tum angin result hai a hung insuo thei ngei khawm ring a um. Hieng a ni lei hin student han Class X le class XII pasi zo hnungah iem inchuk zawm pei ka ta ti hi chik taka an lo ngaituo a, an lekha inchuk zawm pei ding hi iemana ti an lo sukfel diem thiltha a ni ngei ring a um. Hi thu hi nu le pahai khawma chik taka ei lo ngaituopui thiltha ni bawk a tih.

Lekha inchukhai chun tum bik nei hi ei ta dinga thiltha a nih ti hi theinghil der lo ding a nih. Lekha hrie le thiem thei hai ta ding chun a tha naw le a tha bik tia hril ding a um chungonawh. General Line khawm a tha a, technical line khawm a tha. Class XII zo char hin chu ei fena line ding thlang fel ding a nih. College kai naran el chu tulai khawvela ding chun an thaw chi ta naw a nih. Tum bik nei tei ding a nih. Tum bik ei nei naw a ni chun sin zawng hunah harsatna ei tuok ding a nih. Thalai lekhatiema ngai, Bachelor degree le master degree nei, sin mumal nei lova um ei tamna san pakhat chu tum bik neia lekha ei lo inchuk naw lei niin an lang.

Tulai khawvela ding chun technical line a fe a, lekha inchuk chu a tha lema ngai a nih. Ei ni rawi chu ei beisei tak chu sawrkar sin hi a la ni a, hi lei hin sawrkar sin dita la zawng nuomhai ta ding chun general line a fe nek chun technical line a fe le inchuk chu a that lemna a hung um hlak. Competitive exam haiah science le Mathematics subject thei a hung tula ta lein Science subject lak chu a tha a, mi thangpuitu a nih. Hi lei hin Class XII china bek hin chu Science lak ngei tum hram hram ding a nih. Hmantienga thil hungtlung ding hi hrelawk naw inlakhawm ngaituo sa a tul. Hmantienga ei lekha inchukna le sin zawngna ding haiah a la tangkai ding a ni lein Science le Mathematics subject hai chu thiem ngei ngei tum ding a nih.

Manipur state puotienga college le University tha haiah ei kai ve theinaw a lo ni khawma lungnuol le beidawng ding ei ni der nawh. State sung ngeiah khawm Medical College/Institute, Nursing College, Dental Collge, Engineering College, National Institute of Technology, Agricultural University, Industrial Training Institute le Manipur University hnuoiah Course chi tum tum inchuk theina ei nei tah. Hieng College le Institute a inchuk hi hnuoisie bik nawng ei tiu. Tum tak takna ei nei a ni phawt chun state danga inchuk hai thiem thei le hriet thei hai chu ei hriet thei a, ei inchuk ve thei a nih. A tul le pawimaw tak chu thiltum bik nei le tumruna nei hi a nih. Tum tak takna ei nei chun ei inchuk nuom hi ei inchuk thei a nih. Pasieta hi suonlam tling loah sie ding a nih. Lekha tiem taima, lekhatiemo lo an um ngai nawh. A thiem thei ei tihai hi lekha tiem taima, mihai neka taima bik zuo an ni hlak.

Class X chau ei pasi khawma beidawng el ding ei ni nawh. Takyelpat, Imphal-a khun Government Poytechnic ei nei a. Hi hmuna hin Class X pasi-hai ta dingin Diploma Courses in Civil, Electrical, Electronics & Communication le a dang dang inchuk thei a nih. Diploma Course zo chun Bachelor Degree le a chungtieng khawm inchuk thei pei a nih. Class X chau ka pasi tia beidawng el ding a ni naw a, Diploma course zo khawma an sang lem inchuk pei a, engineering line a khawm Gazetted Officer ni thei a nih. Tum hi suksang ding a nih. Ei tum an sang po leh ei invawr sang el ding a nih.

Churachandpur District a Saikawah khawm Industrial Training Institute (ITI) ei nei a, Class X zo chun Trade tum tum inchuk thei a nih. Sawrkar le company dang dang haia khawm ITI Certificate nei hai ta ding chun sin hmu an hawi bik a nih. Sin hmu awlsamna ding chun training hi nei ding a nih. Private Institution, Govt. Recognised khawm tam tak ei nei. Hieng haia khawm hin training rin der lo ding a nih. Sin hmu theina Certificate pe thei an nih. BA naran inchuk el nek chun Technical Institute hran hran haia Diploma Course khawm zo inla ei ta ding chun ei hmakhuo a hung eng lem ring a um. Chun, tulai khawvel changkang taka ding hin chu Computer thiem chu makmaw a ni tah. Ieng sin khawm thaw ding ni inla computer thiem a tul ta a nih. Computer thiem lo chu mimawl le mi hmangthlak lo eini ta a nih.

Editorial Board

Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

TRANSFER AND POSTING

- O. Nabakisore Singh**, IAS, Chief Secretary (Cabinet/Revenue) & Chief Vigilance Commissioner, Manipur as Chief Secretary (Cabinet/DP/Power) and Chief Vigilance Commissioner, Manpur.
- W.L. Hangshing**, IAS, Addl. Chief Secretary (IFC/PHC), Govt. of Manipur as Addl. Chief Secretary (Fisheries), Govt. of Manipur
- Shambu Singh**, IAS, Addl. Chief Secretary (AR) & DG/SAT as Additional Chief Secretary (PHE/AR/Forest & Env) & DG/SAT
- Dr Suhel Akhtar** IAS, Addl. CS, (Labour & Employment) as Addl. Chief Secretary (Adult Education)
- Dr J. Suresh Babu**, IAS, Addl. Chief Secy. (Forests & Env/Home/MAHUD) as Additional Secretary (Home/MAHUD)
- M.H. Khan**, IAS, Principal Secy. (MOBC/Adult Edn.) & Member Secretary State Commission for OBC as Principal Secretary (MOBC & SC/Relief & DM) & Member Secretary State Commission for OBC.
- Lungmuana Lakher**, IAS, Principal Secy. (Vety & AH/ Sericulture/Commerce & Industries) as Principal Secretary (Com & Ind & Commissioner (Departmental Enquiry) in addition.
- J.C. Ramthanga**, IAS, Principal Secy. (Social Welfare.MI) as Principal Secretary (Social Welfare)
- Paulunthang Vaiphei**, IAS, Principal Secy. (SCERT/Eco & Stats) as Principal Secy. (Cooperation/Eco & Stats)
- Vineet Joshi**, IAS, Principal Secy. (Finance/Power/Planning/ Hr. & Tech. Edn.) as Principal Secy. (Finance/Planning/ Hr. & Tech. Exn), Resident Commissioner (Manipur Bhavan, New Delhi) & Principal Secretary to CM in addition.
- Prashant Kumar Singh**, IAS, Commissioner (DP/Health & FW/GAD/IT) as Commissioner (Health & FW/IT).
- V.K. Dewewangan**, IAS, CEO, Manipur as CEO Manipur & Commissioner (Election/Labour & Emp).
- M. Lakshmikum Singh**, IAS, Commissioner (Edmn. S/ Transport) & Chairman, BOSEM.
- K. Radhakumar Singh**, IAS, Commissioner (Works/IPR/CAFPD/Cooperation) as Commissioner (Works/IPR/CAF & PD)
- Th. Chittaranjan Singh**, IAS, Secretary to Governor, Manipur as Secretary to Governor, Manipur & Commissioner (Revenue) in addition.
- Jason Shimray**, IAS, Commissioner (Relief & Disaster Management/Hort. & SC) as Commissioner (Agri/Horti & SC)
- Sumant Singh**, IAS, Secy (RD&PR) & Director Vigilance as Secretary (RD & PR/Vety & AH) & Director (Vigilance) in addition.
- Gopen Meitei**, IAS, Secretary (Agri/IFC/Fisheries) as Secretary (IFC/MI/Seri)
- N. Ashok Kumar**, IAS, Secretary to Chief Minister (Manipur) & Secretary (DP/Cabinet & Confidential/IT/Tourism) as Secretary to Chief Minister (Manipur) & Secretary (DP/ GAD/Tourism) & Special Secretary (Cabinet & Confidential).

World Malaria Dai an hmang

CCPUR: April 25, 2017 ngaithlak a nih. Hi huna hin khan "End Malaria for Good" ti thupui hmangan Caritas India/DSSS CCPur le DPMU hai thangruola huoihawtnain Tuilaphai khuoah World Malaria Day hmang a nih. Hi huna hin Dr Kim Simte, CMO, CCPur khuoliien a thang a, Field Supervisor team khatin Thosilen zar pawimawna Drama Show an nei a, Change Agent a thlang Daisy Lameivah, Class X, Vumhao Govt. H/S a inthawk insung le khawtlang a Malaria Free Community chungthu hrilna

Zu thahnemtak an man



IMPHAL: Zanikhan District Police chun CCPur khawpui sung hmun tum tumah Zu thahnemtak tak an man nawk. Zu an man hai lai hin tulsung zu litres 60, Zu siem ding bu suong hmins tin 11, IMFL bottle 8, Can Beer 8 a thangsaa. Zu dinga suongsa bu an man hai hi mipui hmu dingin an bunthlak. Tuta hma khawm khan zu tam tak an lo man ta bawk a nih.

Hours	Studio/	Programme
4.53pm	CR/P	Signature
4.55pm		Vande Mataram, Tirne Reading, Opening Announcements & Mangal Dhvani
5.00pm	P	Hymns to God : (Thadou)
5.05pm	P	Local Announcement/Prog. Summary
5.10pm	P	Minor Dialect (Mizo): Paul Lalchanchima & party (mod)
5.25pm	P	Science Hints: (Thadou) Safe use of pesticides- Bojjem
5.30pm	P	PAITE Prog. Sig. Tune & Announcement Announcer: Gousianmung 1)T. Ginpaulson & party (mod) 2) Thianmuanlal & party (mod)
6.00pm	P	HMAR Prog., sig. Tune & Announcement Announcer: Lalhlunsang 1) Jehovah Sungte (mod) 2) Lien Shakum (mod)
7:00PM	P	THADOU Prog., sig. Tune & Announcement Announcer: Kaikholim 1)Vechin & party 2) Talk: "Tehse ho lungset ding" by Holkothang Mate
		Farm & Home: Thadou 1. Herngkot male voice (dev) 2. Talk: "Specific role of Youth Club in a village" Lunkim

Election petitions 5 file belsa

IMPHAL: 11th Manipur Legislative Assembly Election-a Nomination papers an file huna Representative of Peoples Act, 1951 provision an bawsiet tiin April 24, 2017 khan High Court of Manipur ah Election petition 5 file belsa nawk a nih. Tuta hma khan hien-

Riyadh hmunah India mi pakhat raw hlum

HYDERABAD: March 30, 2017 khan Saudi Arabia-a Riyadh hmuna sinthaw Hyderabad (India) mi Abdul Qader chu a sinthawna hai le an inselbuoi lein meia raw a ni a, na taka a hliem lein Hospital- a enkawl a ni a, sienkhawm damzo lovin a tih. Abdul Qader farnu Shabana Begum chun, a tapa Qader hi November, 2015 khan sinthaw dingin Riyadh-ah a fe a, sienkhawm a sinthawah a lungwavi tawknaw lein India ram

Cabinet Secretary hun kum 1 keisei



NEW DELHI: Appointments Committee of Cabinet in an pawmpui dungzuin Cabinet Secretary P.K. Sinha chu June 12, 2018 chena dingin zani hmasa khan a hun (term) kum khat keisei pek a nih. Hi le inzawm hin Department of Personnel and Training (DoPT) chun Order an suo.

Ramria dan loa sumdawngna dangna dingin Bawng hai UID



NEW DELHI: Sawrkar thlungpui chun India le Bangladesh ramria dan lova Bawng tawlrkna dangna dingin Bawng le rannung hai Unique Identification Number (UID) pek vawng dinga hmalak a ni thu Supreme Court a hril. Hi thil hi court thupek anga committee indina umin report an peklut dungzuia sawrkar thlungpuiin Supreme Court an hrietir a nih. Hi thila ding hin rannung haia dingin tem-

TTV Dinakaran in a puong



NEW DELHI: AIADMK faction pahnia inthe leia party symbol inchuna chungthua Election Commission tham tuma intumna le inzawma Delhi Police hai hmaa inlang ding ko a ni anga Delhi Police han thu an indwnnaah AIADMK leader TTV Dinakaran chun intuma a umna chungthuah mipakhat Suresh Chandrasekar an hmuipui ngei thu a hril.

Rs. 2000 note lem Rs. 1 lakh man

GUWAHATI: Zani hmasa khan 174 Battalion BSF han India le Bangladesh inrina, Assam state a Salmara district sunga Khagrachar village-ah India pawisa Rs. 2000 note lem (Fake Indian currency) Rs. 1,00,000 an man a, a neituhai ruok chu man hman lovin Bangladesh ram tieng an tlanlut hman niin BSF thuok chun a hril. India pwisa note lem hi Bangladesh a inthawka pawisa note lema sum-

Employment News

SSC RECRUITMENT 2017

Staff Selection Commission (SSC) -Sub Inspector in Delhi Police, CAPFs and Assistant sub Inspector in CISF Examination 2017 for the recruitment of 2221 Sub Inspector, CAPFs & Assistant Sub Inspector (Group C & D) vacancies on regular basis. Eligible candidates may apply online from 22-04-2017 to 15-05-2017 by 05:00 PM. SSC Vacancy Details:
Total No. of Posts: 2221
Name of the Exam: Sub Inspector in Delhi Police, CAPFs and Assistant sub Inspector in CISF Examination 2017
Name of the Post:
1. Sub-Inspector (Male) in Delhi Police: 616 Posts
2. Sub-Inspector (Female) in Delhi Police: 256 Posts
3. Sub-Inspector (GD) in CAPFs (Male): 697 Posts
4. Sub-Inspector (GD) in CAPFs (Female): 89 Posts
5. Assistant sub Inspector in CISF: 563 Posts
Age Limit:
Candidates age limit should be between 20-25 years as on 01-01-2017. Age relaxation is applicable to 05 years for SC/ ST candidates, 03 years for OBC candidates. For more relaxation details refer the notification.
Educational Qualification:
Candidates should possess Bachelors Degree from a recognised University or equivalent.
Selection Process:
Candidates will be selected based on computer based exam.
Application Fee:
Candidates should pay RS. 100/- through SBI Challan/ SBI Net banking or through credit/ debit cards of any bank. No fee for SC, ST and Ex Servicemen Candidates.
Important Dates for CPO 2017:
Start date for Online Registration: 22/04/2017
Last date for Online Registration: 15/05/2017 (up to 5.00 PM)
Date of Computer Based Examination: Paper I : 30-06-2017 to 07-07-2017
Paper-II: 08-10-2017
Online Application link: <http://164.100.129.99/sicpo2017/>
Official Notification: http://ssc.nic.in/SSC_WEBSITE_LATEST/notice/notice_pdf/FinalSICPO2017.pdf

KRISHAK BHARATI COOPERATIVE LIMITED (KRIBCHO) RECRUITMENT 2017

Vacancies : Graduate Engineer Trainee
Job Location : All Over India
Late Date : 8th May 2017
Educational Qualification :- All Interested Candidates should have complete B.E./B.Tech or it's equivalent qualification from a recognized Board/University
Age Limit :- Minimum age require as 18 years and Maximum age 27 years as on 30-04-2017. For Age relaxation Check the official notification publish on their official website.
Application Fee :- Application fees require to pay at the time of online form submission Or Demand draft for offline job application. For this job application you have to pay No Application Fees.
Selection Procedure :- After sorting the all candidate's application form interviewer panel will further Select candidate will be base on Written Exam, Interview.
Pay Scale :- Candidates can get salary Rs. 22000- to -46500/- per month.
Grade Pay :- No
All Eligible job seekers Can Download application Form through official website <http://www.kribhco.net> before or on 08-05-2017.
• KRIBCHO Recruitment 2017 Official Website : <http://www.kribhco.net> 2017
XXXXXXXXXXXXXXXXXX

STATE INFRASTRUCTURE DEVELOPMENT CORPORATION RECRUITMENT

No of Vacancy : 20 Posts
Post Name : Junior Engineer
Job Location :- All Over India
Last Date : 29th April 2017
Educational Qualification :- All Interested Candidates should have Diploma in Civil Engineering or it's equivalent qualification from a recognized Board/University.
Age Limit :- Minimum age require as 18 years.
Selection Process :- After sorting the all candidate's application form interviewer panel will further Select candidate by written test/ typing test.
Pay Scale :- Rs. 29000/- Per month.
Grade Pay: - Not Applicable.
Application Fee :- Application fees require to pay at the time of online form submission Or Demand draft for offline job application. For this job application you have to pay No Application Fees.
How to Apply :- All Eligible Can Download application Form through official website <http://usidcl.gov.in> After Filling The application form, candidate must send hard copy of application along with relevant testimonials to the following Address before or on 29-04-2017.
Address -Uttarakhand State Infrastructure Development Corporation Ltd, Saharanpur Road Dehradun.
• USIDCL Recruitment 2017 Official Website : <http://www.usidcl.gov.in>
XXXXXXXXXX

POWER GRID CORPORATION OF INDIA LTD

No of Vacancies : 10 Posts.
Post : Senior Engineer, Senior Officer
Job Location :- All India.
Last Date to apply or submit job application : 20th May 2017.
Educational Qualification :- Bachelor Degree, Post Graduate Degree or its equivalent qualification from a recognized Board/University.
Age Limit :- Applicants upper age limit should not exceed 36 Years for Post (1-3,5,6), 41 Years (for Post 4), 39 Years (for Post 7) Age relaxations will be applicable as per the rules.
Pay Scale :- Applicants will get Salary Rs. 29100 - 54500/- Per Month.
Grade Pay :- Not Specified.
Application Fee :- General/OBC Candidates have to pay Application Fee Rs 460/- & (SC/ST/PWD/EX-S) Application Fee is - Nil.
How to Apply :- Eligible & Interested Candidates may fill the online application through official website <http://www.powergridindia.com> before or on 20-05-2017.
• PGCL Recruitment 2017 Official Website : <http://www.powergridindia.com>

LAKTAWI

Rangkachak kg 3 le Kani kg 5 man

GUWAHATI: Zani hmasa zan khan Guwahati Railway Station-ah Government Railway Police han mi hran hran hai kuta inthawk rangkachak kg. 3 le Kani kg. 5 an man. Rangkachak mana um hi Rs. 1 crore manhu vel nia hril a nih. Rangkachak hi Md. Sadid Kamal Mondal, West Bengal kuta inthawka man a ni a, Kani hi nuhmei pathum hai kuta inthawka man a nih tiin Government Railway Police thusuok chun a hril.

Aamir in RSS chief a inthawk Dinanath Mangeshkar Award

MUMBAI: Bollywood superstar Aamir Khan chu blockbuster "Dangal" an changna le inzawmin zani hmasa khan RSS chief Mohan Bhagwat chun 75th Dinanath Mangeshkar Award an hlan. Hi award hi field dang danga thawtha le mi hmingthang hai kuoma a lo inhlam hlak a nih.

Indian cricket-ah Kapil Dev kuomah award inhlam a ni a, Hindi cinema-ah legendary actress Vyjayanthimala Bali chu Master Dinanath Vishesh Purashkar inhlam a ni a, 'Mohan Wagh Award' for best drama chu Sunil Barve inhlam a nih. Hieng hai bakah hin mi dang dng khawm award inhlam a nih.

Kenya rama Bus le Tanker inbawah mi 24 thi

MOMBASA: Zanikhan Kenya khawpui Nairobi panna highway le Mombasa khawpui inkarah Gas phurtu Tanker le passenger Bus an insut lein mi 24 in thina an tuok. Hi thil hi zani hmasa zanri laia kha tung a nih. Bus driver in motor dang pakhat tumpul a tumnaah changsuola Tanker hi a baw niin Kibwezi Police chief Leonard Kimaiyo chun Reuters palai a hril. Eksiden tlungna hmuna hin puitling 20 le naupang pathum an thi a, midang pakhat chu hospital panpui a ni hnunga thi a nih. Hi thil tunga hin mi 19 in hliema an tuok bawk. (Reuters)

Pak. bomb puokah mi 10an thi

ISLAMABAD: Pakistan hmar-thlang tienga khuo pakhat Kurram a mini-bus pakhat ah bomb a puok lein mi 10 an thi a, tamtak an hliem bawk. Mithihai lai hin naupang pahni an thanga hriet a nih. Hliem hai chu Parachinar hospital thuoit an nih a, enkawl mek an nih. Hilai biel hi helpawl han an bei ngun em a. March 24 khawm kham mi tamtak an lo thi tah bawk. January thla khan market bomb puokah mi 20 an lo thi tah bawk. Hi lai biel hi Muslim Shia hai hratina a nih. Bus a hin census latu mi pahni khawm an chuon nia hriet a nih a. Census latu sawrkar thawktuhai hi tuta hma khawm target an ni ta hlak.

BAWNG INHMANG HMU

Date 21-4-2017 zan khan Bawng a neitu hrietlo man a ni a. Bawng sukhmang hai chun a hnuoia contact numbers haia hin chanchin chienglem indawn thei le April 30, 2017 chenin Bawng neitu indiktak chun lakir thei a tih. Hun tiem sunga ngaiventu an umnaw leia sukriral a lo ni khawmin tukhawmin thubuoit siem thei tanaw ni hai. Bawng neitu chun Chanchinbua thu insuo man le Bawng enkawl man a pek tul a tih.
Contact Nos. 8131942865/ 9862771795

Khawvela nuhmei riktak unaunu in doctor khelhlipin an tum



MUMBAI: Khawvela nuhmei rik tak Emman Ahmed unaunu Saimma Selim chun, Dr Muffazal Lakdawala in Emman Ahmed ngirhmun that tieng pan pei nia a hril chu hnelin a unaunu Emman hi thattiang a pan naw thu a hril a, Dr Muffazal Lakawala hin khel a hril a nih tiin an tum. ANI in hi chungthua Dr Lakdawala thil umdan an dawnaa chuok chun Saimma intumna hi a hniei ve thung. Ms Emman Ahmed (36) hi Egypt mi a ni a, genetic defect lein a taksa hi nasa taka inthangin a hung thau leia kg. 500 chuonng zeta rik le khawvela nuhmei riktaka record a ni a. Hienganga pangngai lo taka a taksa rik leia menkawlinga India rama hung thuoit a ni a, Saifee Hospital hmuna operation thaw a ni hnungin a rikna hi kg. 250 in a tlahnuoi ta a, tuta inthawk thla 6 vel hnunga a rikna hi kg. 200 velin a tlahnuoi dinga beisei a nih tiin Dr Mufazal Lakdawala, obesity surgeon chun ANI a hril. A hriselna a tha pei a, a rikna tlahnuoi pei lei hin a lung, kal le taksabung sinthaw hai khawm a hma nekin a tha lem ta a nih tiin a enkawltu Dr Lakdawala chun a hril. (ANI)

Anti-Naxal Strategy ennawn ning a tih: Rajnath Singh



RAIPUR: Union Home Minister Rajnath Singh chu zani hmasaa Chattisgarh-a Maoist han CRPF patrolling-a fe hai an lambunna leia CRPF thi hai inzana pein zanikhan an ruong chungah par inhlanna a nei. Mr Rajnath Singh hi zani zingkar 10:30AM khan Raipur a tung a, hi taka inthawk Chattisgarh Armed Force, 4th bat-

OFFICE OF THE DISTRICT RURAL DEVELOPMENT AGENCY (DRDA) CHURACANDPUR DISTRICT, MANIPUR

CIRCULAR

Churachandpur, the 25th April, 2017

No.DRDA(CCP)/MGNREGS/19/Instr/2016: In continuation of Circular even no. dated 18th April, 2017, it is hereby notified to all Block Development Officer's/Programme Officer's (MGNREGS) of the Blocks and to all Village Authorities/Implementing Agencies in Churachandpur district that inspection for verification of Job Cards under MGNREGS shall be taken up by the DC/District Programme Coordinator (DPC)/MGNREGS and his team along with the concerned BDO/Programme Officer (MGNREGS) on 27th April, 2017 (Thursday).

On the morning of 27th April, 2017, the District MGNREGS team will choose one village in the District through Lottery System. The village thereby identified will be inspected the same day. 100% verification of all the Job Card holders will be done on that date in the said village.

(Signature)
(R. Sudhan)
Executive Director/DPC (MGNREGS)
DRDA, Churachandpur.

CBSE in grace marks a ban

NEW DELHI: Central Board of Secondary Education (CBSE) chun tuta hmaa moderation policy hnuoia question harsa deu haiah students hai grace marks a pek hlak chu a ban (scrapped) tah. Hi thil hi high-level meeting nei huna thutlukna siem a ni dungzia thaw a nih. Hi chungthua hin CBSE chun nikum December thla khan HRD Ministry kuoma ngenna siemin, hi policy state tin haia hnawl le sukbo vawng a ni theina dinga consensus lapui dingin a lo ngen ta a nih. Hi policy hi board exam-a mark score nasa taka suksangtu a ni leia ban dinga thutlukna siem a nih. Hi policy hnuoia hin answer paper entu han paper thenhat question harsa deu nia an hriet haiah extra marks 15 percent an pek hlak a nih. Amiruokchu, hi thil hi ban nisienkhawm exam-a pass-na dinga students in marks tawmte a mamaw students hai grace marks pekna chu sunzawm pek la ning a tih. Hi policy ban a nina hi state sawrkar han an hung hmang vawng chun College admission thawna dinga cut-offs chu nasa takin a hung tlahnuoi pha ding a nih.(AIR)

Zuruia tui insilnaa Khawnvartui a hmang lein ama le ama an raw hlum

VILLUPURAM: April 23, 2017khan Salem Government Medical College and Hospital-a chun Zuruia leia tui sawna tui insilnaa Kerosene (Khawnvartui) a hmang leia ama le ama inraw hliem chu damzo lovin a thi. Zuruia leia khawnvartui tui insilnaa hmang hi Ramesh (24) of Thathanur a nih. April 14, 2017khan zu ruin In an lawi a, a zuruia tui an sil huna tui sawnin khawnvartui chu tui insilnaa a hmang a, an silzo a pang towel-a a bruk hul hmamium dumziel (beri) a lakkai naah a taksa pop o meian a hung kang a, na taka a kanghliem leia Hospital panpui a ni a, sienkhawm damzo lovin April 23, 2017khan enkawla a umna Hospital-ah a thi a nih. Ramesh hi kum 4 liem-taa kha nuhmei nei a ni a, zu dawmni a ni lei hin a nuhmei el chau ni loin an khuo le veng hai le inhal le insuol zing zing hlak nia hril a nih. Hiengang mi a ni lei hin a thina thaua ringh-lana a nei lein Ramesh pa Chinnathambi chun Rishivandhiyam police station-ah case a file. (ENS)

Trump in a term sung Sikeisen-ah mihriem tirlut ngei a nuom

WASHINGTON: US President Donald Trump chun US President term khataa a chel sungin Sikeisen (Mars) ah mihriem tirlut ngei a nuom thu zanita a Oval office a inthawka video conference fethleng a International Space station-a NASA astronauts pahni hai an biekpui huna a hril. NASA chun kum 2030 chenah Sikeisen a hin mihriem thawnlut ngei tumin hma a lak mek a ni a, NASA in Sikeisen-a American Astronauts tirlut a tumna le inzawma bill-a hmang signed theia a umna chu an iempui hle thu Trump chun a hril. Video conference fethleng a Astronauts pahni an biekpui hai chu Sikeisen-a lut dingin inpei am tiin an dawn a, an dawmna hi tulai hnai ela Space-a umsawt tak nina record thar siemtu nuhmei Astronauts Peggy Whitson chun Sikeisen a lut dinga an peizan thuin Trump hi a dawn. Astronauts pahni hai video conference hmanga an biekpui huna hin First Daughter Ivanka Trump le a astronauts chanpui Kate Rubins hai khawm Oval Office-ah hin an um ve.(AIR)

India ram puma Post Office haiah Aadhar based digital payment



HYDERABAD: Digital India programme hnuoia India Post chun India ram pumpuia Post Office haiah Aadhar-based payment service thaw tan ve dingin rawta a siem. Hi thil hi digital transaction sukputlingna dinga thaw tum a nih tiin BV Sudhakar, Secretary, Postal department (Hyderabad circle) chun a hril. Hi thila ding hin AP Technology Services in an siem Aadhar-based payment thawtheina software chu Hyderabad-a General Post Office-ah ensin a ni a, a hlawling a nih tiin Sudhakar chun a hril. India Post chun Post Office hai fethleng a Aadhar semdarna dingin UIDAI leh an thawtlang a, Aadhar based payment /service hi June thla vela inthawk tan hman beisei a ni a, department chun hma nasa takin a lak mek a nih tiin BV Sudhakar chun a hril bawk. Rural Information and Communication Technology initiative hnuoia sawrkar thlungpui chun India rama Post Offices, postal le saving bank service nei hai kuomah hi thila ding hin hand-held devices a pek ding a ni a, solar power hmang niin tukum sung hin post offices branch tin a tung phak beisei a nih. Tuta inthawka thla 4 sungin India ram sunga districts 650 haiah India Post Payment Bank Branch hawng ning a tih tiin Postal Dept. Secretary, B.V. Sudhakar chun zani hmasaa Hyderabad hmuna chanchinbumihai an hmpui huna a hril. A tannain district pakhat peiah Branch pakhat pei hawng ning a ta, a bikin thingtlangmi han awslam lema Bank an dawr theina dinga hi thil hi thaw tum a nih tiin a hril. Ranchi le Raipur haia chun January, 2017 hai khan India Post Payment branch hi hawng a ni ta a, Direct Benefit Transfer service le insurance thawna dingin a tangkai hle. Post office hai chu Rural Information & Communication Technology hnuoia hman-groo tha le changkang lema inthuum ning an ta, kum 2018 March hmamium Head Post Offices 800 chuonng um haiah Passport Seva Kendra hawng vawng ning a tih tiin Sudhakar chun a hril. (ENS)

Marine Le Pen, France President Ni Tumin

PARIS: France general election Pathiennia nei ah National Front leader le nuhmei President hmasatak ni thei ding umsun Ms Marine Le Pen chun, Centrist candidate le May 7 -a an pahni an inbei phat mi tam lemin hrat lem dinga an ring Emmanuel Macron hne ngei tumin thang a lak a. National Front party pakhat chauh thuoitu ni lova French mipui po po t huoitu President anga miin an ngai theina dingin an party a nina an hlip. Hi thil hi France general election ah ama le Macron hai second round an lut a inthawka ni khat hnunga a thaw a nih a. A hmalak dan en chun a tuon a tha



hle a, Macron nekin President a tlin lem el thei tiin tamtak chun ngaidan an nei a nih. Le Pen hin zaa 40% support a nei lainin Macron chun 60% support a nei ve thung a nih. France 2 TV a hril dan chun, "France-in thil nih ti suklangnain NF President ka nina chu kan ban a nih. May 7 khin hnena ka chang ngei ka ring" tiin a hril. Le Pen le Macron hi a hrattak ve ve an nih lein pakhat lem lem, Congressin a ringzo lem lem President ni thei ding chu an nih tah. Macron a hrat lem chun France President la nau-pangtak, kum 38-a President kai thei la ning a ta. Ms Le Pen a hrat lem chun France nuhmei President hmasatak la ni ding a nih. Ms Le Pen hin Pathiennia khan vote 7.6 million a hmu a, a pain 2002 kuma a hmu nekin million 2.8 in a hmu tam lem a nih. An party National Front thiltum chu im-

migration suktlawm ding, trade le sumdawngna suktlawm ding, EU le inlaichin-na thar neina dinga Brussels le a hrana inbiek ding, EU-a um zing ding le ding naw referendum nei ding, extremist Muslim hai Biekin (Mosques) pop o khar ding, French mihai social housing ngaisak hmasa ding, retirement age 60 fix ding ti le a dang dang an nih. Macron chun EU sukhrit nawk zuola company hai pek tax suktlawm ding, ramdang le sumdawngnahai sukhrit nawk zuola, mi hnuoihnungahai dawmsang ding ti le a dang dang a nih a. President Hollande-in a ai awtu dinga a dit a nih bawk.

NOTICE

Tarik 30/04/2017 hin Tipaimukh Road Transport Co-Operative Society Ltd. chun, counter ngaktu lakna a nei ding a na, inhnikna nei hai le application pe nuom hai chun tarik 29/04/17 chenah pek thei ning a tih. Tipaimukh Road Transport Co-Operative Society Ltd. Counter, Rengkai Vengpui-ah dar 9:00 AM to 2:00PM hin pek thei ning a tih. Thu chieng lem hre nuom hai chun Counter-ah ngaiwen thei a nih.

Sd/- John L. Fimate
Secretary.

LUNGPHUN SAWMNA

Ni 27th April, 2017 zing dar 10:30AM Kawnpui Thlanmual ah leh dar 11:30 AM Zofate Run (Y.M.A. Hall) Kawnpui, Churachandpur ah Tv. Zathangvunga (L) hriet rengna lung kan phun dawn a; he mi hun min rawn hmanpui turin amah hmangaihtu leh ngainatu te zawng zawng kan sawm a che u.

- A Chhungte
Kawnpui Tlangnuam.

Do you want to learn Photography?

Join us for 8 weeks of Photography training & improve your photos!

During this class we will spend a lot of time taking photos. Use one of our DSLR Cameras or bring your own DSLR.

Course Fee: only ₹3000

Topics to be covered include
Camera controls, Composition, Portraits, Photo journalism, & Much More!

Class will be held Monday, Tuesday & Wednesday from 1pm - 3pm in The Blue Room at Life Cafe

Class to be taught in English by Professional Photographer Tom Eby

Seats are limited - Register at Life Cafe

For More information Call - 91 90894 77997

PIGROW Tablet

VAWK INTHANGNA DAMDAWI

I vawk zawr hun tingna dingin kum khat nek tam ngahk ngai tanaw nih.

A THATNA:

- * PIGROW mum hi Company-hai ti dan ang taka i pek chun thla 5 sungin kg. 70 chuonngkai hman a tih.
- * PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:

- * Vawk pakhatnikhatah mum 20 (zingtieng mum 10 le zantieng mum 10) pek ding.
- * Box khat ah mum 600 a um a, chu chu thlakhat sunga a fakzo ding a nih.
- * Rawt phita pek in fak awslam an ti lem.

INCHAWK THEINAHAI:

1. Hmingi
2. L.K. Screen Printing

Bethel, CCPur Lighthouse Lane, CCPur # 8414852391

Order ang dungzuin HOME DELIVERY khawm kan thaw thei.

HMAR NUHMEIHAI KUOMA INHRIETTIRNA

13th April 2017

Hmar Women Association-GHQ Executive meeting thurel angin 2017-2020 (Kum thum) sunga Hmar Women Association-General Headquarters a thuoitu ding inthlangna a hnuoia hun le hmuna hin ruot anih. Chun, hi hun a palaiat thang thei ding hai chun an membership 2016 chen ami Headquarter a an submit ngei ding anih. 50% rel ta sa angin Membership fee pelo hai mimal/ Unit hai candidate/Vote nei thei bawk naw ni hai.

A hun: 27.04.2017 (Ningani 10:30 am)

A hmun: H.L Daka Memorial Hall (HSA Campus, Rengkai Road)

Inthlangna hi HWA Constitution dungzia nei ning a tih.

1. Palai inthlang - Articles 7. Clause II (e&f)
2. Inthlang Dan - Article 8. Clause I (iv) (a-f)

PS : Hi a chunga inthlangna ni le hun hi hrietlawk lo remchawng naw na thil a um ani chun sukdanglam thei ning a tih.

1. Palai dinghai chu mani kalman Unit tinin intum ding.

Sd/- Chongtuozing
General Secretary

Sd/- J.L Sawmi
President

LAWMTHU HRILNA

Pile natna ka nei lein hun sawt tak tak kan hnawm a, tawl a hung inpan a, a hung inthak em em a, hnai dam a hung um a, a thang hlak. Chun, phing a hung inbel a, kawngna le ringtungna a hung um bawk a. Ka beidawngin MV Azad Phusam ka pan a, tuhin chu ka hung dam tha tah. Hi lei hin MV Azad Phusam chungah lawmthu ka hung hril. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/ 7628890261 haiah biekrwn thei a nih.

Lawmthu hriltu,
Sd/-Lalboy
New Lamka

'Avatar' Thar 4 Hai Sin Tan A nih



LOS ANGELES: Tulai khawvêla computer stimulation le milim siem-fâwm hmanga movie siem hlâwtling pawltak, James Cameron direct "Avatar" (2009) chu a hlâwtling em em a. Sengso hisapin a hlâwk hle bâkah demand a tam lein a zawmpui ding Avatar 4 chen khawm siem ngehâ ding ti a ni angin James chun sin a tan tah nih Facebook ah a post. "Avatar" khan category pathum (Visual effects, cinematography le art direction) ah Oscar Award a dawn a nih. Amiruokchu, "Avatar" 3D pathumhai hi a mal mala siem a buoithlak lein, a story sequence fe dan le inzula a ruola siem zo vawng a tul ding a ni lein 2020 velah zofel vawng a ni chau ding

niin a hril. A team hai le an thlalâk tarlangin, "Great to be working with the best team in the business!" tiin director team lim post-in a rawihai an pak bawk.

"A sin fedan, zofel hun ding chu chu December 18, 2020, December 17, 2021, December 20, 2024 le December 19, 2024 ning a tih!" tiin tlângzar an nina ding hun pei a tarlang. Kha hmaa beisei dan chun a series a hmasatak ding chu 2018 a hmasatak hmanga ding ti a nih a. Amiruokchu, Cameron chun hi dateline hi chu a hnawt phâk naw ding thu a hril.

Tuta "Avatar" thar palihaa hin a changtuhai Zoe Saldana, Stephan Lang, Sigourney Weaver le Sam Worthington hai an thang nawk vawng ding a nih.

Asha e-connect Tel medical Service Governor in a hawng



IMPHAL: Manipur Governor, Dr Najma A. Hep-tullah chun zanikhan Raj Bhavan, Imphal hmunah Digital India Mission hnuoia "ASHA E-CONNECT", Tele Medical Service Scheme a hawng. Hi huna hin, State Health Minister

Shri L. Jayentakumar Singh and Education Minister Shri Th. Radheshyam Singh khawm a thang. Dr K. Rajo Singh, Director Family Welfare Services chun "Flying Doctors in Manipur" ti thupui hmangin power-point presentation a nei.

Double-Decker AC Train July ah



NEW DELHI: Indian Railways chun July, 2017 khin Utkrisht Double-Decker AC Yatri (Uday) Express Rel tlângzar a tum. Hi double-decker train hi mi 120 int hung theina ding AC coach nin passengers han vending machines hmanga fak ding, thingpui le cold drink hai an lak el theina ding special class service a ni ding a nih.

Uday service hi high-demand routes Delhi-Lucknow inkarah service a ta, regular mail/express AC class hai nekin chuonngman a tlawm lem ding a nih. Chun, Coach tina LCD screen lien le Wi-Fi speaker system a um vawng bawk ding a nih tiin Railway ministry official thusuok chun a hril.

SPANISH PREMIER LEAGUE: Athletic Bilbao chun mi 10 chau thang Eibar goal khatin an hne hram



Thawtanni khan Spanish Premier League inkhel pakhat a um a. Eibar chun Athletic Bilbao an lo mikhuol a. Goal thun lovin first half chen an inkhel a. Second Half intan deu hlim minute 56 naah Eibar player Gonzalo Escalante chun Red Card a hmu a. Chu chu Eibar chun an thawhla ta a nih. Anachu Bilbao khawma goal an thun el bik naw a, hun bo tawm char minute 90 naah Paul Garcia chun goal umsun le hratna goal Bilbao ta dingin a hung thun a, hun a tawp zui ngehâ

lein Eibar ta dingin chetna hun a um ta nawh.

Eibar hi a tlawm lem ni hai sien khawm an khel tha hle a, ball possession khawm ring nekin an hau. Inkhel pumpui enin 51% ball an chang phak a nih. Anachu goal an thun thei naw lein anni khelmuol ngeiaha a tlawm lemah an thang ta a nih. Athletic Bilbao an hrat dungzuiin Real Sociedad lekhelein parukna an inhlangkai a, Eibar ruok chu parietna an ni mek ve thung.

Tom Cruise Mission Impossible 6 Chang Dingin

PARIS: Kum 20 vel liemta "Mission Impossible" hmasatak changa inlâr em em, kum 54 a ni hnung khawma la tlangval zing anga a film series pangana chen chang tah, Tom Cruise chun "Mission Impossible 6" chang dingin, Islamic helpawl han bomb an sukpuok zo chauhna, Paris khawpui Pathienni khan a tlung tah.

lengtiklai khawm hmêl hlim deu sara innui (smile) deu ran Tom Cruise chu a co-star Henry Cavill (33) in a zui a. Henry Cavill chu a khakmul a hla lein tamtakin an lo hriet naw a. Tom Cruise ruok chu a hmai fai varin a la tlangval lem angin an lang a. A hmêl le chêt dan enin a lan thazo hle ti an lang bawk. Tom Cruise hin "Mission Impossible 5" a Ethan Hunt lem a chang kha a la sunzawm pei ding a nih.

Director Christopher McQuarrie khawm Paris ah a um a. Kar hmasak Ningani-a bomb a puok lai khawm khan a um a, Production (shooting)



an lo thaw zing a nih. Director-in picture a suklang dan chun, Champs-Elysses kawthlera Marks & Spencer kawla inkapna a tlung lai khan, minute li vel chau cara tlân Grand Palais, Paris ah shooting an lo thaw a nih. Paramount thupesawngtu'n People a hril dan chun, "Inkaptuona buoina khan shooting a chawkuoiu nawh a. Kan lungriila chu a tuortu Paris mipuihai ang thovin, kan tuorpui takzet a nih"

tiin a hril.

Inkapna a tlung zo darkar 9 hnungah shooting tan nawk a nih a. Zan khawvarin shooting thaw a nih. Director-in shooting thlalâk a post chun zing dar 6 a ni tah a, khawvar zakin shooting an thaw tina a nih. Inkapnaa khan French police officer Xavier Jugele (37) a ti a, mi pathum an hliem. Kha zan la la kha a kapu Karim Cheurfi (39) khawm police-in an kap hlum ngehâ.

Skydance Media CEO David Ellison chun, "Tu tuma Tom Cruise-in a thaw ding 'action' hai hi chu a hma pohai nèka la ropuitak ding ning a tih. Awi um lo rak khawp 'stunts' râphtlak an ni a, kum khat zet a lo training tah bawk. "Mission Impossible 5: Rogue Nation" (2015) zo chara inthawk khan a lo train ngat ngat an ta a, pui tak a ni ding a nih" tiin a hril. Mission Impossible 6 hi July 2018 khin tlângzar ning a tih.

Kim le Courtney Hai Ruolhai Leh Châwl Hmangin

LOS ANGELES: "Keeping Up With The Kardashians" reality TV star Kim Kardashian le a unanu Courtney Kardashian hai chun an ruolhai leh châwl hmangin Punta Mita tuipui kamah nisa lum lai insukdein hun an hmang a, inhawi an ti hle.

Kim Kardashian hai unau hi an ruolhai Britanny Gastineau, Malika Haqq, Larsa Pippin bâkah Kim a t hangpuitu (umpui) Stephanie Shepherd haiin an zui a. An rengin zakuohnuoi (bikini) chauh seng hâkin tuipui lai an inhnal a, nisa luma inthawka an insukdei lai lo entuhai chu an lo lum pap pap el a nih. An rengin Coronos, sikret lien chi an hawp sin senga, tua inphumin Group photo lain an hlim em em.

Kim Kardashian chun zakuohnuoi multi-color tjel, (printed vintage Dior) a hak



a. A sam khui nam dawkin a hlim tung vawng, intawmin sunglass light deuh phêk lien bunin nabe inkuol lien deuh a be bawk a. Native American,

Latin America indiktak awm bawr taksa le mawngbawr t ha lel lawl a nizie suklangin a sir zawnga hei en lem chun a tak zie hmu thei a nih.

Sir Elton John Damnaw Inrik, Show Thul

LONDON: Sir Elton John (70) chu Santiago, Chile ah show nei zovin thla thar May khin New York ah "The Million Dollar Piano" nei dinga ti a nia chu veng a tlung "damnawna inrik" in a tlakbuok lein damdawiina enkawl a nih a. A Show hai a sunzawm thei ta naw ding niin ama thupesawngtu chun a hril.

April 22 kha ta taka dama suok dinga beisei a nia chu a natna hi a rik lein enkawl zui a la tula, hospital chun lan enkawl zui pei dinga an hril lein a show program hai po po khawm a cancel vawng niin a hril



a. June 3 a Twickenham, London a mi ruok chu a tha pei chun a sukputling thei tah beisei a ni thu a hril bawk.

Coliseum, Caesars Palace-a "The Million Dollar Piano" program chu cancel a nih a. Bakersfield, California-a May 6 program khawm thul a nih bawk. Hieng ang natna hi ti a um a. Elton John doktor han an hmu vat lein enkawl hmanin a uma

NEWCASTLE UNITED PREMIER LEAGUE AN INPETKAI

Rafael Benitez-in a enkawl Newcastle United chu Championship-a inthawkin Premier League an hung kai nawk ta lein Season tarah chu hmu nawk ning an tih. Anni hin Thawtanni khan Preston hai 4-1 in an hne lein Championship tieng pahina an kai phak a, Brighton hai hung zuiin Premier League an hung kai nawk ta a nih.

Brighton hai hi Premier League chanchinhan an vavikhat kai vena ding a nih. Rafael Benitez hin



Liverpool, Chelsea le Real madrid hai khawm a lo enkawl ta hlak bawk. Benitez chun, "Thil tam tak siem that ding le rem

fel ding la um ngei a tih ka ring, anachu hi taka ka um le Premier League kan kai nawk hi ka lawm hle a nih," tiin a hril.

PAWISA SENG RAWN HI HLAWTINGNA BUL A NI KHER NAWH : ANTONIO CONTE

Chelsea Boss Antonio Conte chun Premier League-a chu player inchwakna dinga pawisa tam tak seng ringawt hi hlawtlingna a ni naw thu a hril. Manchester United chun World Record Fee ni dingin Paul Pogba £ 89 million-in an inchwak a. Chuong ang bawkin Manchester City khawma defender John Stones inchwakna dingin £ 47.5 million an hmang bawk. Hieng Manchester Club haiin player man to tak taka an inchwak inthawkin Conte chun tuta a ngaidan hi a hung nei ta a nih.

Chelsea chun hieng tawp hin pawisa seng ve naw hai sien khawm Premier League-ah pakhatna



an ni mek a, City nekin point 11 in an tam lem a, United nekin point 12 in an insang lem bawk. Ama chun, "Pawisa seng tam taphawt hi an hrat zing chuong nawt hi hi hri-etchieng tlat a ngai a nih," tiin a hril.

Chun, tuta season chau ni lo season dangahai khawm hieng Club pahnhai hin pawisa an seng nasa thei hle thu a hrilsa bawk. Conte ta dinga Chelsea-a a hun hmang hmasa takah Premier League le FA Cup la kawp thei ding angin an um mek a, an lak kawp vei chun pawisa hin ro a rel bek bek nawh ti suklang zuol bawk a tih.

Clint Eastwood-in Film Thar Direct Ding



LOS ANGELES: Cowboy indiktak kum 70 chuong tah khawma action film la chang pei, amiruokchu, directing tieng thawa camera hnungtienga um ve ta hlak, film hlâwtling tak tak chang le siem suok tah Clint Eastwood chun American mihai huoisenna suklangna ding film thar direct a tum. Hi hma met khawm khan American mihai huoisenna suklangna film pahni "American Sniper" le "Sully" hai hlâwtling takin a lo siem tah.

Tu tum khawm hin a tak taka mi story, American mi pathumin Paris khawpuairel (train) pakhat misuol pakhatin a thuoikawi tum an sansuokna chanchin a nih. A hmang ding la puong lo film hi, mi pathum haiin an ziek, "The 15:17 To Paris: The True Story of A Terrorist, A Train, And Three American Heroes" ti lekhabua mi thusim ning a tih.

Anthony, Alek le Spencer hai chu Paris panin relah an chuong a. Moroccan mi Ayoub El Khazzani (25) chun AK-47 rifle chawin a kap puok a, mi 500 vel kap hlum theina ding a mu nei a nih. Alek chun Spencer

kuomah, "Thaw raw leh" tiin an bei a. Alex chun bei thutin a ringah a rek a, a silai a chelpak a. Keiin a silai (hand gun) ka lo lak thlak vat a, ka dehawn a. Chu zovah hnuoia AK-47 rifle chu lain a lu ah ka tin tah a" tiin a hril.

Anni laia pakhat hi Oregon National Guard-a t hang hlui niin pakhat chu US Air Force a sipai bang a nih. US le France ah hero angin an en a, Legion of Honour inhlân an nih ngeh. An pathumin mi 500 vel kap hlum theitu ding helpawl an man a nih.

A film hi Clint Eastwood film siem nuom chi, American mihai huoisenzie tarlangtu ding a nih. Kum 2014 khan American Navy SEAL, sniper Chris Kyle (true story) a siem a, 2015 in "Sully" (Miracles on the Hudson) ti airline pilot Chesley Sullenberger-in thiem tak le huoisenzie taka vuongna accident ding Hudson vadunga an tumtir thu a nih. Tuta mi hi a hmang ding le cast dinghai le iengtika t an dim ti chieng taka hriet a lan nawh a. A direct ding ti char hriet a la nih.

Alessandro Ambrosio Palm Springs ah an Pholang



LOS ANGELES: Nau pahni a nei taa chu a piengzie a la nal zinga nunghâk tamtakin an la tluk naw ti suklangna ding le California nisa lum taluo laka inthawka insukdei malama a vun nisaa em sen tumin Victoria Secret model Alessandra Ambrosio chu Coachella Music Festival hmang zovin Palm Spring ah an pholang a, a la nal hle.

Zakuohnuoi (bikini) chauh hakin tarmit dum bunin, a sam thla dar sarin 'pool toy' chungah a zal a, inhawi a ti hle. Hi hma met hin lace zakuo inphan hâkin a thlalâk a post bawk a, minute khat sungin 111, 029 Likes a dawng hman a nih. Alessandra hin Coach-

ella Annual Music Festival kum tamtaka inthawk khan a pumpel ngai nawh a. Thalera music festival le hin an inrem thei rieu niin an lang. Ni kum 2015 khan "Ocean Drive" magazine ah, "Ka ni tin hringnun hi inhawi taka hmang ka tum a. Ka sinthawna hi ni tin tamtak thaw theina a ni nawh. Iengtiklai khawm inpei zingin ka um a. Thaw ding a hung dan danin ka thaw el hlak. Amiruokchu, 'hi hi thawng ka ta, hi hi thawng ka tih. Ka thaw naw chun ka lungawi naw nih' ka ti ngai nawh" tiin a hril.

Alessandra Ambrosio hi tu tak hin Jamie Mazur leh an inhuol a, nau pahni an nei tah; Anja (8) le Noah (4).

Hughie Fury an hnukdaw

May 6, 2017-a Auckland, New Zealand hmuna WBO Champion Joseph Parker le inhek ding Hughie Fury chu an sukhliem lein hi world heavyweight inhek ding chu a sukputling theinaw ding thu le an hnukdaw thu a hril.

Fury hin an hnek nuhung tak nikum April thla khan Cameroon mi Fred Kassi a lo hneban a nih. Team Fury le Hennessy sports chun, doctors



han Fury hi chawlkar 4 sung chawlhadam dingin thurawn an pek a nih tiin a hril.


Hieng laizing hin Jo-

seph Parker promoters Duco Events chun Parker inhekpuoi ding midang a zawng mek thu a hril. (BBCsport)

Tony Bellew in heavyweight champion ni tum

Cruiseweight a inthawk heavyweight contest-a Britain mi David Haye a hneban hnungin Tony Bellew (34) chun world Heavyweight champion ni a tum. Bellew hin nikuma David Haye a hneban hnungin boxing chawlsan a tum deu a, sienkhawm world heavyweight division champion ni tumin an singsa thar nawk. Hi le inzawm hin WBC Champion Deontay Wilder annawh WBO title holder Joseph Parker a pakhat lem lem inhekpuoi ding inhek mek a nih.

Bellew hi a promoter Eddie Hearn in WBA, IBF le WBO champion Tysson fury



inhekpuoi annawh Haye le inhek that dinga an inhek hnung boxing khel hi la sunzawm nawk dinga thutlukna a siem a nih. (bbesports)